

**UGOVOR  
ZA NABAVKU USLUGA**

**- Produkcije video materijala-uspješne priče u okviru Projekta Challenge to Change -**

1. „Oslobodenje servisi“ d.o.o. Sarajevo, Branilaca Sarajeva 25, Centar, Sarajevo, koga zastupa direktor Zlatko Kljajić, (u daljem tekstu: Pružalac usluga)
- i
2. Sarajevska regionalna razvojna agencija SERDA d.o.o. Sarajevo, Kolodvorska 6, koju zastupa direktor Ševkija Okerić, (u daljem tekstu: Ugovorni organ)

**I PREDMET UGOVORA**

**Član 1.**

Predmet ovog Ugovora je produkcija dva TV priloga u kojem će biti predstavljeni korisnici granta kao uspješne priče, uključujući i posjetu korisnicima granta sa područja BiH te snimanje radnih i proizvodnih pogona MSP u okviru projekta Challenge to Change. Ponuda Pružaoca usluga br: 1004-2/20 od 12.10.2020. godine je sastavni dio ovog Ugovora.

**Član 2.**

Ugovor se zaključuje na period od tri mjeseca od dana zaključivanja ugovora.

**II CIJENA**

**Član 3.**

Ukupna vrijednost bez PDV- iznosi 9.400,00 KM (slovima: devethiljadačetiristotine KM), a sa PDV-om iznosi 10.998,00 KM (slovima: desetihljadadevetstotinašestdesetosam KM).

**III NAČIN PLAĆANJA**

**Član 4.**

Plaćanje za usluge iz člana 1. ovog Ugovora će se izvršiti na sljedeći način:

- plaćanje putem transakcijskog računa,
- rok plaćanja je 15 dana od datuma izdavanja računa sa video materijalom na digitalnom mediju.

**IV ROK IZVRŠENJA**

**Član 5.**

Pružalac usluga se obavezuje da usluge iz člana 1. specificirane u opisu posla i Ponudi br: 1004-2/20 od 12.10.2020. godine izvrši u roku od tri mjeseca od dana zaključivanja ugovora.

**V OBAVEZE UGOVORNOG ORGANA**

**Član 6.**

Ugovorni organ se obavezuje da:

- izvrši obavezu iz člana 4. ovog Ugovora.

*ek h-*

## VI OBAVEZE PRUŽAOCA USLUGA

### Član 7.

Pružalac usluga se obavezuje da:

- izvrši obavezu iz člana 5. ovog Ugovora,
- ispostavi fakturu za izvršene usluge.

## VII PENALI

### Član 8.

Za svaki dan zakašnjenja Izvršilac se obavezuje da naručiocu na ime ugovorene kazne plati pet (5) promila vrijednosti neizvršenog dijela posla, a najviše 5% (pet posto) te vrijednosti.

## VIII VIŠA SILA

### Član 9.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana je obavezna da obavijesti drugu ugovornu stranu u roku od 7 (sedam dana) od nastanka više sile.

## IX OSTALE ODREDBE

### Član 10.


Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

### Član 11.

Ovaj ugovor stupa na snagu kada ga potpišu obje ugovorne strane. Sve izmjene ovog Ugovora mogu se vršiti isključivo i samo uz pismenu saglasnost ugovornih strana.

### Član 12.

Ovaj Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu. Sastavni dio ovog Ugovora je Ponuda iz člana 1. ovog Ugovora.

Pružalac usluga  
**„Oslobođenje servisi“ d.o.o. Sarajevo**  
DIREKTOR  
  
Zlatko Kljajić

Sarajevo, 16.10. 2020. g.  
Broj: 1004-3/20

Ugovorni organ  
**SERDA d.o.o. Sarajevo**  
DIREKTOR  
  
dr. Ševkija Okerić

Sarajevo, 17.10. 2020. g.  
Broj: 46-213/20

